

PREGUNTA PLENU 21 DE XUNETU DEL 2016

Con fecha de 24 de mayu los Grupos Municipales de Somos Avilés, Izquierda Xunida y Ganemos rexistremos una solicitú na que pidíemos que l'Ayuntamientu d'Avilés s'axuntare a la campaña «Conceyos pola Oficialidá», entamada pola organización cívica Xunta pola Defensa de la Llingua Asturiana en collaboración col Ayuntamientu de Bimenes. La mesma consiste n'asitiar na fachada de la Casa Conceyu una pancarta na que consta esta lleenda y caltenela nella a lo llargo d'una selmana; nesti sen, conceyos como'l propiu Bimenes o Nava, Grau, Morcín, Santalla d'Ozcos, A Veiga... yá la encolingaron na so Casa Conceyu, dándose la circunstancia de que los equipos de gobiernu de los mesmos pertenecen a fuerces municipales distintes qu'abarquen prácticamente tol espectru políticu. Otra manera, queremos facer alcordanza de qu'en munches ocasiones iniciatives del mesmu calter foron acoyíes por esti ayuntamientu, esponiendo pancartes o símbolos de bien de temes de naturaleza estremada (reivindicativos, de denuncia, d'apoyu, deportivos o festivos, por exemplu).

La reivindicación polos derechos civiles de los y les asturianofalantes nun ye un tema partidista o sectariu, trátase namás d'una cuestión de llibertá ciudadana, polo que creyemos oportuno y xusto que'l Conceyu d'Avilés apoye esta campaña y faiga visible'l so apueste pola tolerancia y el respetu ente les llingües falaes n'Asturies.

Asina, queremos tresmitir nesti Plenu la siguiente pregunta: ¿tien intención de responder a esta petición la señora alcaldesa?